



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 423
e – mail: info@voda.ba

Broj: **UP-1/21-3-40-200-5/26**
Datum: **06.08.2026. godine**

„Agencija za vodno područje rijeke Save“ Sarajevo, rješavajući po zahtjevu pravnog lica „Geoinženjering“ d.o.o. Kladanj za ispuštanje tehnoloških otpadnih voda i aktivnosti koje mogu imati specifične uticaje na vode sa prostora kompleksa objekata namjene: eksploatacija i preradu mineralne sirovine krečnjaka na prostoru kamenoloma „Hrastić“, naselje Stupari, općina Kladanj, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu „Geoinženjering“ d.o.o. Kladanj daje se vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa prostora površinskog kopa „Hrastić“, naselje Stupari, općina Kladanj.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod sljedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje tehnoloških otpadnih voda (separator ulja, masti, slivnici, rešetke, kanali, šahtovi, ivičnjaci, rigoli, betonski taložnici, kanalizaciona mreža i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik predmetnih objekata, za vrijeme trajanja ove dozvole, obezbjeđuje da se tehnološke otpadne vode i oborinske onečišćene vode sa prostora površinskog kopa-kamenoloma „Hrastić“, naselje Stupari, općina Kladanj, nesmetano sakupljaju i odvođe do objekata predviđenih za tretman tehnoloških otpadnih voda i oborinskih onečišćenih voda, a zatim ovako tretirane vode preko monitoring okana ispuštaju u Brloški potok i kanal regionalnog puta.
 - 3.4. Da se redovno vrši monitoring prečišćene otpadne vode iz okana za monitoring (mjerno mjesto E1 i E2) shodno članovima 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa odredbama iste.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 15/17, 23/17 i 41/20).
 - 3.6. Prečišćene otpadne vode, prije ispuštanja u recipijent, moraju ostati u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20 i 1/24), a ukoliko Vlada Tuzlanskog kantona propiše dodatne (strožije) uslove za ispuštanje otpadnih voda u

površinske vode, od uslova definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.7. Da korisnik poslovnog objekta, bušenje i miniranje stijenske mase radi kontrolisano po projektu te da minerske radove može vršiti isključivo ovlašteno minersko društvo.

3.8. Da se eksploatacija mineralne sirovine na površinskom kopu „Hrastić“, naselje Stupari, općina Kladanj, vrši isključivo u skladu sa odobrenim (verifikovanim) rudarskim projektom tj. u skladu sa Zakonom o rudarstvu („Službene novine Federacije BiH“ broj 26/10) i drugim pratećim provedbenim propisima i podzakonskim aktima koji tretiraju ovu oblast.

3.9. Korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.

3.10. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.11. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.12. Da se istrošena ulja, nauljene krpe i sav opasan otpad koji nastaje na prostoru površinskog kopa-kamenoloma „Hrastić“, naselje Stupari, općina Kladanj prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.

6. Ukoliko radom predmetnog privrednog kompleksa za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete bilo kakvog karaktera, korisnik objekta je dužan uzroke štete otkloniti, a nastale štete nadoknaditi.

7. U periodu važenja ove dozvole, pravno lice je dužno provoditi sve mjere i aktivnosti propisane istom.

8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.

10. Ova vodna dozvola, shodno članu 117. stav (1) Zakona o vodama, daje se sa rokom važenja od 5 (pet) godina od dana pravosnažnosti ovog rješenja.

11. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „Geoinženjering“ d.o.o. Kladanj, podnio je zahtjev dana 06.05.2026. godine koji je zaprimljen na protokolu Agencije dana 12.05.2026. godine, za izdavanje Rješenja o vodnoj dozvoli za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora kompleksa objekata namjene: eksploatacija i preradu mineralne sirovine krečnjaka, sa pratećim sadržajima na prostoru kamenoloma „Hrastić“, naselje Stupari, općina Kladanj.

U provedenom postupku dostavljena je i pregledana sljedeća dokumentacija:

A. Opća dokumentacija

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Uvjerjenje o registraciji obeznika poreza na dodanu vrijednost, broj:04/5-1/II-17-1-1735-2252/05 od 11.11.2005. godine izdato od strane Uprave za indirektno-neizravno oporezivanje Banja Luka – ovjerena kopija,
- Rješenje, broj:UP-I/02/2-23-2-51/01 od 25.06.2003. godine izdato od strane Federalnog ministarstva prostornog uređenja i okolice – kopija,
- Rješenje Up/I broj:07-18-434/03 od 03.12.2003. godine izdato od strane Federalnog ministarstva energije, rudarstva i industrije – kopija,
- Uvjerjenje o poreznoj registraciji od 10.12.2002. godine izdato od strane Kantonalnog poreznog ureda Tuzla - ovjerena kopija,
- Rješenje Up/I broj:09-18-484/00 od 30.05.2001. godine izdato od strane Federalnog ministarstva energije, rudarstva i industrije – kopija,
- Ugovor potpisan sa „Kemokop“ d.o.o. Tuzla, broj:34/18 od 09.10.2018. godine – kopija,
- Ugovor potpisan sa JP „Vodovod i kanalizacija“ d.o.o. Živinice, broj:29/24 od 18.04.2024. godine – kopija,
- Ugovor potpisan sa JP „Komunalac“ d.d. Kladanj, broj:58/19 od 23.01.2019. godine – kopija,
- Ugovor potpisan sa JP „Komunalac“ d.d. Kladanj, broj:102/19 od 23.01.2019. godine – kopija,
- Izjašnjenje, broj:93/2019 od 28.01.2019. godine izdato od strane JP „Komunalac“ d.d. Kladanj-kopija,
- Zapisnik o inspekcijskom nadzoru, broj:UP1-14-21-2-00035/2025-1405-P-1405-2-P od 14.02.2025. godine izdat od strane Federalnog vodnog inpektorata – kopija,
- Ugovor o koncesiji, broj:03/1-14-1307/20 od 08.12.2020. godine potpisan sa Ministarstvom privrede Tuzlanskog kantona – kopija,
- Izvještaj o monitoringu kvaliteta i kvantiteta otpadnih voda poslovnog kompleksa „Geoinžinjeri“ Kladanj, broj izvještaja:1072/25 urađen od strane „Inspekt RGH“ d.o.o. Sarajevo, juni 2025. godine,
- Izvještaj o monitoringu kvaliteta i kvantiteta otpadnih voda poslovnog kompleksa „Geoinžinjeri“ Kladanj, broj izvještaja:2458/25 urađen od strane „Inspekt RGH“ d.o.o. Sarajevo, decembar 2025. godine,
- Godišnji izvještaj o monitoringu kvaliteta i kvantiteta otpadnih voda poslovnog kompleksa „Geoinžinjeri“ Kladanj, poslovni kompleks za eksploataciju krečnjaka „Hrastić“ za 2025. godinu, broj izvještaja:GI-36/26 urađen od strane „Inspekt RGH“ d.o.o. Sarajevo, juni 2026. godine,
- Rješenje o vodnoj dozvoli, broj:UP-I/21-3-40-598-10/23 od 25.03.2024. godine izdato od strane Agencije za vodno područje rijeke Save, Sarajevo – kopija,
- Dokaz o uplaćenju federalnoj upravnoj pristojbi na zahtjev

B Tehnička dokumentacija:

- Projekat izvedenog stanja sistema za prikupljanje, tretman i ispuštanje otpadnih voda sa načinom vodosnabdijevanja kompleksa Geoinžinjeri d.o.o. Kladanj na lokaciji Brlošci b.b. Kladanj, urađen od strane TQM d.o.o. Institut za kvalitet, standardizaciju i ekologiju Lukavac

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20, 63/22) izvršen je uviđaj i tom prilikom sačinjen Zapisnik o izvršenom uviđaju broj: UP-1/21-3-40-200-3/26 od 03.08.2026. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Pravnim licu „Geoinženjering“ d.o.o. Kladanj izdata je vodna dozvola za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora kompleksa objekata namjene: eksploatacija i preradu mineralne sirovine krečnjaka, sa pratećim sadržajima na prostoru kamenoloma „Hrastić“, naselje Stupari, općina Kladanj broj: UP-1/21-3-40-598-10/23 od 25.03.2024. godine.
- Navedeno Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu, dostavljenog detaljnog dinamičkog plana po godinama sa aktivnostima, finansijskom procjenom i

rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, broj:24/24 od 22.03.2024. godine.

- U skladu sa zahtjevima iz rješenja pravno lice je realizovalo:
 - izgradnju taložnika sa revizionim oknom na platou kamenoloma,
 - izgradio je obodne kanale za slivne vode sa prostora kamenoloma,
 - izgradio je tankvanu ispod rezervoara za gorivo- na platou separacije i radionice,
 - nabavio je i ugradio sanitarni čvor na platou separacije i objekata uprave,
 - izradio je Projekat izvedenog stanja sistema za prikupljanje, tretman i ispuštanje otpadnih voda sa načinom vodosnabdijevanja kompleksa Geoinžinjering d.o.o. Kladanj na lokaciji Brlošci b.b. Kladanj, urađen od strane TQM d.o.o. Institut za kvalitet, standardizaciju i ekologiju Lukavac
- Monitoring kvaliteta i kvantiteta otpadnih voda, po ugovoru radi „Inspekt-RGH“ d.o.o. Sarajevo. Prema rezultatima analiza nisu utvrđeni parametri koji prekoračuju dozvoljene vrijednosti propisane Uredbom o uslovima ispuštanja otpadnih voda u prirodne recipijente i sisteme javne kanalizacije. Monitoring se vrši preko mjernog mjesta E1, a konačan recipijent je cestovni kanal. Rezultati analiza uzetog uzorka vode od strane laboratorije sa mjernog mjesto E2 nisu prezentovani u Izvještajima.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07, 10/14 i 03/16).

Na osnovu provedenog postupka konstatuje se da je podnosilac zahtjeva „Geoinženjering“ d.o.o. Kladanj, ispunio minimum uslova za izdavanje vodne dozvole za ispuštanje tehnoloških otpadnih voda i aktivnosti koje mogu imati specifične uticaje na vode sa lokacije prostora kompleksa objekata namjene: eksploatacija i preradu mineralne sirovine krečnjaka, sa pratećim sadržajima na prostoru kamenoloma „Hrastić“, naselje Stupari, općina Kladanj, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,00 KM administrativne takse, prema tarifnom broju 3. Tarife federalnih administrativnih taksi.

Voditelj postupka:

mr.sc. Selma Merdan, dipl.inž.geol.

Prilog:

- Tehnička dokumentacija navedena pod tačkom B obrazloženja Rješenja;

Po ovlaštenju
Rukovodilac sektora za izdavanje vodnih akata
Nihad Pezo, dipl.inž.građ.

Dostaviti:

- „Geoinžinjering“ d.o.o. Kladanj
Brlošci bb, 75280 Kladanj, (Prilog),
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava